

आकाशवाणी

- उडान स्कीम दे 9 बरे पूरे। इस दरान 1 अशारिया 56 करोड़ शा मते यात्रुएं एह सुविधा हासिल कीती।
- केंद्र ते लद्दाख दे प्रतिनिधिमंडल बश्कार अज्ज नमी दिल्ली च गल्लबात परतिए शुरू होग।
- भारती नौसेना दे कमांडरें दे सम्मेलन दा दुआ संस्करण अज्ज थमां नमी दिल्ली च शुरू होआ' रदा ऐ।
- मौसम विभाग नै आखेआ ऐ जे बंगाल दी खाड़ी उप्पर बने दा घट्ट दबास आहले क्षेत्र दे गहराने दी मेद ऐ। मौसम विभाग नै तमिलनाडू, पुदुचेरी ते उत्तरी आंध्र प्रदेश च भारी बरखा दा अलर्ट जारी कीता।
- दुनिया भरै च गुजराती समुदाय अज्ज Bestu Varsh मना'रदा ऐ।
- दक्खन अफ्रीका नै कल कोलंबो च खेड्ढे गेदे आई.सी.सी महिला विश्व कप दे मैच च पाकिस्तान गी 150 रन्जें कन्नै हराया।

<><><><><><>

Civilation

सिविल हवाबाजी मंत्रालय नै आखेआ ऐ जे क्षेत्रीय संपर्क योजना 'उड़े देश दा आम नागरिक' (उडान) नै 9 बरें च 3 इशारिया 23 लक्ख डोआरियें राएं 1 इशारिया 56 करोड़ शा मते यात्रुएं गी सुविधा प्रदान कीती ऐ। उडान योजना 21

अक्टूबर 2016 गी राश्ट्री नागरिक हवाबाजी नीति तैहत शुरू कीती गई ही। इस योजना दी 9मीं बरैगण्ड दे मौके पर नमीं दिल्ली च आयोजित इक कार्यक्रम गी संबोधित करदे होई सिविल हवाबाजी सचिव समीर कुमार सिन्हा होरें इस गल्ला पर लो पाई जे उड़ान एक परिवर्तनकारी पैहल ऐ, जेहदा उद्देश्य आम नागरिकें लेई हवाई यात्रा गी सस्ता ते सौकखा बनाना ऐ। उंनै उड़ान कार्ययोजना राएं अप्रैल 2027 शा अग्गे बी इस योजना गी जारी रखने दी सरकार दी बचनबद्धता गी परतिये पक्का कीता।

<><><><><><>

Ladakh-Talks

केंद्र ते लद्दाख दे प्रतिनिधिं बशकार अज्ज नमीं दिल्ली च गल्लबात परतिए शुरू होग। लेह च 24 सितंबर गी होई दी हिंसा मगरा एह पैहली गल्लबात होग। एहदे थमां पैहले गृह राज्यमंत्री नित्यानंद राय हुंदी अध्यक्षता च कायम मते इख्तयारें आहली समिति दी तय गल्लबात 24 सितंबर दी घटना करी रद्द करी दिती गई ही। गृह मंत्रालय दे साददे पर साबका सांसद ते लेह स्थित शीर्ष निकाय दे अध्यक्ष थुपस्तान छेवांग हुंदी अगुवाई च लद्दाख दे 10 प्रमुख प्रतिनिधिं दा प्रतिनिधिमंडल गृह मंत्रालय दे वरिष्ठ अधिकारिं कन्नै बैठक च हिस्सा लैग। बैठक च प्रतिनिधिमंडल आसेआ लद्दाख गी पूर्ण राज्य दा दर्जा देना ते 6में अनुसूची च शामिल करने जनेई मंगें गी सामने रक्खे जाने दी मेद ऐ।

<><><><><><>

Perz.

राश्ट्रपति द्रोपदी मुर्मू होर अज्ज केरल च साबरी माला पर्वतीय मंदिर जाडन।
राश्ट्रपति होर जंदी संझा तिरूवनतमपुरम पुज्जियां हियां। केरल दे राज्यपाल
राजेंद्र विश्वनाथ अलेकरकर मुखमंत्रि पिनाराई विजयन केंद्रीमंत्रि जार्ज करियन
ते होर दुए वरिष्ठ अधिकारियें राश्ट्रपति हुंदा गर्मजोशी कन्नै स्वागत कीता। मुर्मू
होर तिरूवंतमपुरम शा हैलीकाप्टर आसेआ निलक्कल जाडन ते सबरी माला
तीर्थ स्थल दे आधार शिविर पम्पा पुज्जडन। पम्पा गणपति मंदरै च इरुमुडी
बनने सने पारम्परिक अनुष्ठान सम्पन्न होडन। एहदे मगरा राश्ट्रपति इक
विशेश डोआरी राएं सबरीमाला मंदर जाडन। उंदी यात्रा गी दिखदे होई दवें थाहरें
उप्पर सुरक्षा दे निग्गर बंदोबस्त कीते गेदे न।

<><><><><><>

Bihar-Scrutiny

बिहार विधानसभा चुनाएं दे खीरले गेड़ लेई भरे गेदे नामांकन पत्रें दी जांच कल
सम्पन्न होई गेई। इस दरान सुगाउली विधानसभा हल्के दे पूर्वी चंपारन जिले
थमां विकासशील इंसान पार्टी दे मेदवार कागज पत्रें गी लोड़चदे सारे दस्तावेजें दे
नेई होने करी रद्द करी दिता गेआ। दुए गेड़ लेई मतदान अगले म्हीने 11
तरीक गी होग। नामांकन परताने दी खीरी तरीक 23 अक्टूबर ऐ।

<><><><><><>

Navy

भारती नौसेना दे 6-6 महीने आहले कमांडर सम्मेलन-2025 दा दुआ संस्करण अज्ज थमां नर्मी दिल्ली च शुरू होआ' रदा ऐ। एह त्रऊं रोजा सम्मेलन आपरेशन सिंदूर मगरा नौसेना दे अभियानें दी तेज गति ते युद्ध तैयारियें दे मददेनजर महत्वपूर्ण ऐ। रक्षा मंत्री राजनाथ सिंह ते कैबिनेट सचिव इस सम्मेलन च नौसेना कमांडरें गी संबोधित करडन ते व्यापक राष्ट्री हितें ते विकसित भारत 2047 उप्पर विशेष नजरिया पेश करोग। रक्षा प्रमुख ते ब्हाई सेना प्रमुख बी इस सम्मेलन गी संबोधित करडन ते नौसेना दे वरिष्ठ अधिकारियें कन्नै विचार-विमर्श करडन। सम्मेलन दरान भारती सेना, ब्हाई सेना ते भारती तटरक्षक बल कन्नै युद्ध क्षमताएं ते संयुक्त अभियानें गी बधाने, उभरदे खतरें गी रोकने ते हिंद महासागर ते हिंद प्रशांत क्षेत्र च नौसेना दे समुंद्री कौशल दा बी प्रदर्शन कीता जाग।

<><><><><><><><>

Depression-IMD

मौसम विभाग नै आखेआ ऐ जे बंगाल दी खाड़ी दे उप्पर बने दा घट्ट दबास आहले क्षेत्र दे गहराने दी मेद ऐ। तमिलनाडू, पुदुचेरी ते उत्तरी आंध्र प्रदेश च तेज बरखा दी चेतावनी जारी कीती गई ऐ। तमिलनाडू च भारी बरखा गी दिखदे होई चेन्नई, चेंगलपट्टू ते कांचीपुरम दे स्कूलें च छुट्टी घोशित करी दिती गई ऐ।

<><><><><><><><>

Weather

मौसम विभाग नै अज्ज केरल, माहे, तमिलनाडू, पुदुचेरी ते कराईकल च तेज बरखा दी चेतावनी जारी कीती ऐ। विभाग नै आंध्र प्रदेश, तटीय कर्नाटक ते दक्खन कर्नाटक च बक्ख-बक्ख थाहरें पर तेज थमां मती तेज बरखा दी पेशगोई कीती ऐ। आंध्र प्रदेश, हिमाचल प्रदेश, कोंकण ते गोवा, मध्य प्रदेश, महाराष्ट्र, तमिलनाडू, पुदुचेरी ते कराईकल उत्तराखंड च अज्ज बिजली चमकने ते तेज हवा चलने दी मेद जाहिर कीती गेई ऐ।

<><><><><><><><>

Gujrat

दुनिया भर च गुजराती समुदाय अज्ज नमें ब'रे दा जशन मना'रदा ऐ। गुजरात च नमां ब'रा जिसी बेस्तु ब'रा बी आखेआ जंदा ऐ, हिंदू कैलेंडर विक्रम संवत दे कार्तिक म्हीने दे पैहले दिन मनाया जंदा ऐ। केंद्री गृह मंत्री अमित शाह, गुजरात दे राज्यपाल आचार्य देव व्रत ते मुखमंत्री भूपेंद्र पटेल होरें लोकें गी नमें ब'रे दियां शुभकामनां दितियां न।

<><><><><><><><>

Retail

भारत दु खुदरा क्षेत्र नै इस ब'रे नवरात्री शा देआली तगर त्यौहारी सीजन च अज्जै तगर दी सभनें शा मती बिक्री दर्ज कीती ऐ जेदे च चीजें-बस्तें दा बपार 5 अशारिया 4 लक्ख करोड़ रपे ते सेवाएं दा बपार 65 ज्हार करोड़ रपे तगर पुज्जी गेआ ऐ। अखिल भाती बपारी परिसंघ आसेआ कीते गेदे इक राष्ट्रव्यापी

सर्वक्षण शा पता लग्गा ऐ जे इस अवधि दरान पिछले ब'रे दे मुकाबले च कुल कारोबार च 25 प्रतिशत दा बाद्दा होआ ऐ। एह बी पता लाया गेआ ऐ जे तकरीबन 72 प्रतिशत बपारियें बिक्री च बाद्दा दर्ज कीता जेहदा मुख कारण जीएसटी दरें च कमी ऐ।

<><><><><><>

Vaishnav

रेलवे मंत्री अश्विनी वैशणव होरें गलाया ऐ जे देआली ते छठ उप्पर यात्रुएं दी बधदी गितरी गी दिखदे होई रेलवे औने आहले दिनें च तकरीबन 7 जहार 800 होर विशेष होर विशेष ट्रेनां चलाने दी योजना बना'रदा ऐ ते ध्यारें उप्पर आने आहली भीड़ उप्पर तक्क रखने लेई War Rooms स्थापित कीते गेदे न। मंत्री होरें कल नमीं दिल्ली रेलवे स्टेशन दा दौरा लाया ते ध्यारें दरान यात्रुएं लेई कीती गेदी बवस्थाएं दा जमीनी स्तर पर आंकलन कीता। रेलवे बोर्ड जोनल ते मंडल स्तर उप्पर 80 शा मते War Rooms सक्रिय न।

<><><><><><>

Goverdhan-Puja

गोवर्धन पूजा अज्ज देश दे बक्ख-बक्ख हिस्सें च धार्मिक श्रद्धा कन्नै मनाई जा'रदी ऐ। उत्तर प्रदेश ते चेचा करी मथुरा ते वृंदावन क्षेत्र च जित्थे भगवान कृष्ण होरें'गी मनने आहली बड़ी गिनतरी च किट्ठे होए दे न उत्थे गोवर्धन पूजा धार्मिक उत्साह ते भक्ति कन्नै मनाई जा'रदी ऐ। गोवर्धन दे प्रमुख

मंदिरें जियां दानघाटी मुमुट मुखारविंद ते जतीपुरा-मुखारविंद च दपैहरी तकरीबन 12 बजे दुधक न्ने अभिषेक कीता जाग। भक्त भगवान गी छप्पन भोग अर्पित करा'रदे न ते अन्नकूट नांs दे रूट्टी दा पहाड़ बना'रदे न। लोक इस मौके पर अपनी गवें गी बी सजांदे न ते उंदी पूजा करदे न।

<><><><><><>

Trump-China Tarrif

अमरीकी राष्ट्रपति डॉनल्ड ट्रम्प होरें घोशणा कीती ऐ जे बीजिंग कन्ने मैत्रीपूर्ण सरबंध बनाई रखने दी उंदी मर्जी दे बावजूद अमरीका इक नवंबर थमां चीनी चीजें-बस्तें पर 155 फीसद शुल्क लाग। रूस दे सभनें थमां बड्डे तेल आयातक दे तौर पर चीन दी भूमिका दे बारै च अमरीकी राष्ट्रपति होरें आखेआ जे एह शुल्क बरें थमां चली आवा'रदी इकतरफा बपारिक तौर-तरीकें दा इक जरूरी परता ऐ। इस करी अमरीका गी आर्थिक नुकसान होआ ऐ। उनें जोर देइयें आखेआ जे पिछली सरकारें चीन गी अमरीका दा आर्थिक शोषण करन दिता पर हुन एह गेंs पुट्टने दी लोढ़ ऐ।

<><><><><><>

Women World Cup

दक्खन अफ्रीका नै कल राती कोलम्बो च खेड्डे गेदे आई.सी.सी महिला विश्व कप दे राउंड रोबिन लीग मैच च पाकिस्तान गी 150 रन्जें कन्ने हराई दिता। बरखा करी प्रभावित मैच च दक्खन अफ्रीका नै डी.एल.एस मैथड राएं पाकिस्तान

गी 90 रन्ज कन्ने हराया। बरखा करी मैच गी 40 ओवर दा करी दिता गेआ।
दक्खन अफ्रीका नै 9 विकेट पर 312 रन्ज बनाए ते Laura Wolvaardt's नै 90,
Sune Luus नै 61 ते Marizanne Kapp नै 68 रन्ज बनाए।

<><><><><><>